

Un di e victimanan a sufri 4 tiro

Tiramento formal ayera merdia na Macuarima



ORANJESTAD – Ayera den careda di 1.30 di merdia, un batayon di Polis, Recherche y dos Ambulance a bay cu urgencia na Macuarima caminda un tiroteo formal a tuma lugar y cu dos persona a sufri herida di bala di cual un di nan su situacion ta serio. Na e sitio e agentenan a constata cu ta net na e crusada bou di un palo, e victimanan tabata benta. Tur cos ta muestra cu tanto esnan den e auto cu a pasa tira como esnan bou di e mata a tira riba otro. Polis a escolta e dos Ambulancen pa asina nan yega hospital mas rapido caminda ya tabatin un team ta wardando e victimanan. Ariba combinacion di e fotonan por mira e batayon di Recherche cu a bay na e sitio, personal di Ambulance ta hibando e victima cu a sufri cuater tiro y miembronan di Recherche y Polis ta busca huls di bala bou di e mata. Lesa pagina 2.

Un di e victimanan a sufri 4 tiro

Tiramento formal ayera merdia na Macuarima



ORANJESTAD – Ayera den careda di 1.30 di merdia, un batayon di Polis, Recherche y dos Ambulance a bay cu urgencia na Macuarima caminda un tiroteo formal a tuma lugar y cu dos persona a sufri herida di bala di cual un

di nan su situacion ta serio.

Na e sitio e agentenan a constata cu ta net na e crusada bou di un palo, e victimanan tabata benta. Un di e victimanan a bisa cu un Volkswagen Kever color oranje den cual tabata un tal L.

hunto cu dos otro persona, a pasa basha bala riba nan y nan tambe a tira bek. Mientras cu e personal di Ambulance tabata antende nan, miembronan di Recherche y Polis a demarca henter e area di investigacion y a cuminsa cu e investigacionnan necesario.

Notabel ta cu na e sitio no tabatin ningun huls, cual ta indicacion cu ambos partido a usa revolver y posiblemente Caliber 22.

Bou di e mata a confisca un arma di candela. Ta asina cu e victima cu a wordo tira na su pia ta Jonathan Thiel mientras cu e victima mas serio ta Jeanmark Koolman. Ta asina cu Koolman a sufri cuater impacto di bala esta un tiro na su man, un tiro na su pia, un tiro na su stoma y un tiro na su nanishi.

Bon Dia Aruba por a constata cu e tiro na cara di Koolman, cu e bala a drenta na su lip parti abou y despues sigui pasa door di su nanishi. No ta conoci si e bala a sala bay. Tampoco no ta conoci si e bala den su stoma a perfora organonan.

Ambos ambulance a wordo escolta pa Polis pa asina habri caminda pa nan yega mas rapido posibel hospital. Na hospital tabatin un team en espera di e heridonan pa asina

trata nan di inmediato.

Na e sitio di e incidente, miembronan di Recherche a sigui investiga mientras cu tres patruxa di Polis a bay na un cas den bicindario unda a haya un Starlet color oranje. E auto a wordo hiba warda di Polis mientras cu un hoben y su mama a wordo hiba warda di Polis pa interrogacion.

Miembronan di Recherche, mirando cu ta trata aki di e conoci di nan L., kende tabata esun cu a sconde e arma cu a wordo usa pa tira riba warda di Polis na San Nicolas, a pidi asistencia di Arestatie Team pa asina a detene un sospechoso.

Entretanto na San Nicolas a bin haya e auto cual a pasa basha bala y investigacion ta

sigui. Tur cos ta muestra cu aparentemente ta trata aki di un problema cu ta andando pa basta tempo caba entre e dos gruponan y cu awor a culmina den bashamento di bala. Segun informacion cu e miembronan di Recherche a haya ta muestra cu durante e tiramento, tin hende den e auto cu tambe a resulta herida. Si esaki resulta di ta berdad, e ora ey ta tres persona a resulta herida durante e tiroteo aki den dia cla. E incidente aki tabata parce manera tiramento cu ta pasa ariba pelicula. Habitantenan den bicindario a spanta masha ya cu ta un hala di tiro por a scucha. Dios gracia cu ningun persona inocente no a resulta herida.